

萊州府志卷之十六

大事記

前志云不出一郡也而或關氣運或係綱常或一時殊恩或
永逸大役或變所希有或事未前聞有諸目所未槩見及微
見而未彰明者皆特書焉非敢妄希紫陽之筆要以竊附三
代之直也茲仍依其例增編數條以備太史之採

虞

禹告成功濞溜其道萊夷作牧

夏

少康四十歲靡自有鬲氏收二斟之衆滅寒浞立少康王滅

萊州府志

卷十六

大事記

澆于過

后杼五歲征東海

后芒元歲東狩于海

周

平王四十九年八月紀人代夷

夷在城陽
壯武縣

五十年十月紀子伯莒子盟于密

莊王時齊始通魚鹽於東萊

四年十月齊師遷鄆

十一年五月魯公敗宋師于鄆

襄王二十九年春介葛盧朝魯

定王五年魯公會齊侯伐萊

七年齊侯伐萊

靈王元年齊侯伐萊萊人使正與子賂夙沙衛以索馬牛齊師乃還 是年齊侯召萊子萊子不會晏弱城東陽以備之

五年四月晏弱復城東陽遂圖萊埋之王湫率師及正與子棠人軍齊師為齊師所敗萊共公浮乘奔棠晏弱圍棠滅之遷萊于鄆

安王十一年齊田和遷其君貸於海上

烈王七年齊侯封卽墨大夫

萊州府志

卷十六 大事記

二

赧王三十六年燕侵齊卽墨大夫死之

田單襲破燕

田單臨淄

人齊疏族燕破齊惟莒卽墨未下單時東保卽墨衆推為將軍以拒燕卒以火牛破燕盡復齊地襄王封單安平君

秦

始皇二十八年遣徐市發童男女數千人入海求仙人 登

勞盛山望蓬萊

漢

高祖元年項羽徙田市為膠東王 是年田榮弒膠東王市

自立為齊王

四年韓信襲破齊齊王廣東走高密楚救齊韓信擊破之 殺龍且濰水上 是年田橫逃居卽墨島中尋奉詔詣洛

陽未至自殺

文帝十六年立白石侯雄渠為膠東王平昌侯邛為膠西王
景帝三年膠西王邛膠東王雄渠反 是年立楚元王子端

為膠西王 是年立子徹為膠東王

中元二年立子寄為膠東王

武帝元封二年春帝如東萊

三年帝如東萊禱萬里沙

大始四年四月幸不其

元鼎五年誅方士樂大並誅樂成侯丁義

樂大膠東宮人故嘗與文成將

軍同師已而為膠東王尚方因樂成侯丁義求見武帝帝既誅文成惜其方不盡及見大夫說大敢為大言曰臣嘗

萊州府志

卷十六

大事記

三

往來海上見安期羨門之屬臣之師曰黃金可成而河決可塞不死之藥可得仙人可致也然臣恐效文成則方士皆掩口惡敢言方哉上曰文成食馬肝死耳子誠能修其方我何愛乎於是上使驗方國其自相觸擊元鼎四年上方憂河決而黃金不訖乃拜大為五利將軍封樂通侯又以衛長公主妻之齎金萬斤更命其邑曰當利公主天子親如五利之第使者存問供給相屬於道自大主將相以下皆置酒其家獻遺之帝又刻玉印曰天道將軍使使衣羽衣夜立白茅上五利將軍亦衣羽衣夜立白茅上受印以示不臣也佩天道者且為天子道天神也於是五利常夜祠其家欲以下神神未至而百鬼集矣然頗能使之其後治裝行東入海求其師大不敢入海之泰山祠帝使人隨驗實母所見其方盡多不離坐誣罔腰斬丁義亦棄市

征和四年正月帝如東萊

宣帝神爵三年以方士言祠太室于卽墨三尸山于下密參

山八神于曲成

東漢

光武建武二年遣光祿大夫伏隆拜張步為東萊太守

張步不其

人漢兵起步步亦聚眾數千劉永拜步輔漢大將軍督青徐二州遣將沭季山東萊膠東北海濟南諸郡皆下之建武三年永敗步獻鰓魚請降帝以步為東萊太守後劉永立為齊王步受永命以其將費邑為濟南王屯歷下詔大將軍耿弇攻破之步乃斬蘇茂降封步安邱侯八年復謀叛瑯琊太守陳俊擊斬之

晉

懷帝永嘉元年王彌作亂殺東萊太守

王彌東萊人家世二千石有學術勇畧善

騎射青州人謂之飛豹作亂海濱有眾數萬寇青徐殺東萊太守為刺史苟純所敗降劉淵淵封彌東萊公拜鎮東大將軍五年六月彌同劉曜石勒攻陷洛陽執懷帝殺太子詮發掘諸陵焚宮廟官府皆盡曜納惠帝羊皇后遷帝平陽冬十月石勒請彌燕酒酣而殺之

萊州府志

卷十六 大事記

四

元帝大興元年蘇峻帥眾浮海奔晉

蘇峻字子高長廣掖人永嘉之亂峻糾合數千

家歸晉元帝假峻安集將軍明帝大寧初除膺揚將軍淮陵內史又以破王敦功加散騎常侍峻志在立功不欲內補時護軍庾亮以峻在歷陽終為禍亂乃徵峻為大司農以弟逸代領部曲峻辭不許遂謀亂以討亮為名咸和三
年攻陷建康侍中褚裒抱帝登太極前殿時百官奔散峻兵不敢上殿突入後宮宮人皆見掠奪光祿勳王彬等皆被箠令負擔登蔣山裸剝士女哀號震動府藏一空溫嶠起兵討峻遣督護王愨期詣荊州檄陶侃與之同赴國難侃督水軍向石頭嶠率步兵從白石南上峻逆戰馬躡斬之

北魏

太和十三年正月兗州人王伯恭聚眾勞山稱王東萊鎮將

孔伯孫討斬之

北齊

隆昌元年青州人耿翔擁衆作亂襲破郡縣都督蔡雋刺史裴粲討平之

隋

文帝開皇十八年總管周羅暎自東萊泛海征高麗

煬帝大業七年勅幽州總管元弘嗣造船三百艘于東萊

八年命總管來護兒率樓船由東萊渡海討高麗

九年歷城羅士信以兵從郡丞張須陀擊齊郡盜王薄于

濰水上破之

唐

太宗貞觀十八年十月以張亮為平壤大總管帥兵四萬艦

萊州府志

卷十六 大事記

五

五百自萊州泛海征高麗 是年太宗駐蹕唐島

宋

徽宗政和七年取萊文石

高宗建炎元年膠西高密盜起知密州趙野棄城走為其下

所殺

二年金人攻陷濰州知州韓浩等死之 宋都統制徐文

率戰艦數十泛海投金

徐文掖人徙膠水少有勇力隸王龍圖麾下為承信郎高宗南渡召

文用之以功遷淮東浙西沿海水軍都統制後與大將閻臯有隙遂叛宋率戰艦數十泛海投金攻宋

紹興三十一年李寶大破金人于膠西陳家島

膠州盜不知姓名數

萬人自靖康至建炎間環據膠州民不堪命時李寶擁兵膠州之陳家島大敗金兵殺其將完顏鄭索諸盜畏寶歛

跡不出

大安三年楊安兒僭號於萊州山東路統軍安撫使僕散

安貞帥將攻破之安兒脫身走萊州平楊安國益都縣人

材為業市人呼為楊安兒比長聚眾剽掠會泰和後宋招
降之隸諸軍累官刺史防禦使大安三年叛歸山東與張
汝楫等劫掠州縣山東路統軍安撫使僕散安貞攻破之
奔萊陽萊州徐汝賢以城降安兒登州刺史耿格亦開門
迎附以州印付之安兒遂僭號于萊州置官屬改元天順
攻陷寧海濰州遣偽帥郭方三據密州畧沂海李全畧臨
胸扼膠陵關欲取益都七月庚辰安貞統其將僕散留家
完顏訛論為左右翼軍于昌邑東徐汝賢等以三州之眾
十萬來拒戰自午抵暮轉戰三十里獲器械不可勝計壬
午賊棘七率眾四萬陣於辛河復破之甲申安貞率至萊
州偽寧海州刺史史潑立以二十萬陣于城東留家先以
輕兵薄賊諸將繼之賊大敗殺獲且半以重賞招之不應
陰遣萊州黔卒曹全等詐降於賊全結成卒姚雲為內應
丁亥夜留家以勇敢士三十人乘城雲納之六軍畢登遂

萊州府志

卷十六

大事記

六

復萊州斬徐汝賢及諸賊將以徇安兒脫身走訛論以兵追之耿格史潑立皆降

寧宗嘉定七年濰州李全兵起李全濰州北海人銳頭蜂目權譎善下人弓馬矯捷能運

鐵槍人號李鐵槍妻楊氏狡悍亦善騎射兄福尤有勇力
聚眾行劫嘉定十年全取金莒州福克金青州明年全率
眾歸宋詔以全為京東路總管後元兵圍全青州遂降元
管山東行省事全至楚遣軍士穆椿入臨安皇城縱火焚
軍器庫欲以銷宋兵備仍入據鹽城朝廷授全節鉞令釋
兵全不受命反寇揚州紹定四年帝遣趙范趙葵會師擊
敗之全陷新塘渚中為羣卒所殺

度宗咸淳七年統制范廣帥師攻膠州兵敗被執

元

世祖至元十七年從萊人姚演言命演自膠西陳村等處

膠河海運

二十二年詔罷膠萊新河 是年勅樞密院計膠萊諸處
漕船備征日本

二十七年濰州知州張萃建州治

仁宗正祐間濰州達魯花赤火你赤建儒學

順帝至元間高密知縣秦裕伯建儒學

至元間卽墨知縣董守中建縣治並儒學

至正間膠州監州普顏不花帖木兒修文廟

至正十七年三月劉福通將毛貴陷萊州膠州監膠州僉

樞密院脫歡萊州守臣_疑嘉祿死之

十八年毛貴於萊州立屯田三百六十處

萊州府志

卷十六

大事記

七

至正二十七年征虜將軍徐達等帥師下益都招撫東萊

山東行省左丞安然守萊以城降

明

洪武二年定諸神位號遣官祭東海稱東海之神

三年昌邑建儒學

四年都指揮馬雲等由萊渡海招降故元叅政葉廷秀

五年命靜海侯吳禎總舟師數萬由萊轉運餉遼東戍兵

六年膠州知州趙禮建州治

十二年都督張赫朱壽率舟師由東萊海運

十八年命湯和築海州城起東萊抵江浙凡五十城

永樂十八年妖賊唐賽兒作亂

唐賽兒蒲臺民林三妻也夫死祭墓回經山麓見石

罅露石匣角發之得妖書寶劍遂通曉諸術因削髮為尼自稱佛母能剪紙為人馬奸人董彥杲等率眾從之寇膠州卽墨賊據益都卸石棚寨為出沒殺青州指揮高鳳上救柳升進勦賽兒遁去後捕得下獄三木被體俄皆自解

脫遠逸三司郡縣將校皆以失寇伏誅

正德六年流賊劉六等寇昌邑知縣劉堅棄城走本府同

知劉文寵率其子暨鄉民朱虎等禦之其子戰死流賊寇

膠州又寇平度燬州治寇卽墨不能攻去之陷濰縣知縣

張志高棄城走萊州衛指揮張陞死之又寇東萊萊州衛

指揮蔡顯死之攻破高密遊擊郤永破之 是年本府推

官劉信署濰篆大修濰城池

嘉靖十四年副使王獻開膠萊新河未竟開

隆慶四年以尙書劉應節言遣侍郎徐枋開膠萊河尋罷

是年叅政潘允端行海運

萬曆二十四年命太監陳增開礦於萊屬州縣

二十六年命太監陳增權稅於萊屬州縣

二十八年十一月萊州知府龍文明建磚城成

三十年詔開膠萊二河尋罷之 是年修卽墨城成

三十七年御史顏思忠言開膠萊河

崇禎二年膠州妖民邱扞比潛居談曠舖聚眾為亂署州

事同知寇化捕斬之

五年春叛兵圍萊巡撫徐從治謝璉知府朱萬年死之八

月圍解李九成與子李應元孔有德皆遼人舊在皮島總

懷叛志會登撫孫元化遣孔有德等領兵千餘援凌河至

吳橋以稿不如意遂叛因家口在登即回戈東指沿途攻

掠乘勝陷登州事聞建孫元化入京命巡撫余大成總兵

楊御蕃王洪等領兵會勦又起徐從治為監軍道余撫至

萊惟日誦佛經太守朱萬年問攻守計不能答上知大成

逗留逮之即晉從治山東巡撫與防撫謝璉同入援時東

征兵敗王洪等逃去惟楊御蕃整師入萊五年春寇圍萊

州輦登郡所貯火藥器械攻城又築礮臺三座鑿窟洞數

十處皆御蕃與參將彭有謨先後以計焚退之五月從治

中微死援兵皆受樞意主撫日遣推官屈宜揚往來寇營

擁兵不進掖紳副都御史賈毓祥等上公疏告急復寓書

戶部侍郎劉重慶言萊城將陷狀重慶與御史王萬象累

疏請兵赴援疏下部議不決七月初五日督師劉宇烈忽

賈偽旨至城下命謝璉與朱萬年出城撫賊並被執萬年

罵賊死城幾陷賴楊彭二將捍禦得免王萬象聞變上言

劉宇烈以假旨陷萊守乞立斬以徇得旨下劉宇烈兵部

萊州府志

卷十六

大事記

九

熊明遇於獄命總兵斬國臣吳襄祖大弼祖寬劉邦域督

軍太監高起潛統關寧兵會勦巡撫朱大典監紀巡按謝

三賓萊州道楊作楫督金國奇等兵為先鋒會戰沙河大

敗之萊圍解後兵部叙城守功疏上得旨巡撫徐從治贈

兵部尚書廕一子錦衣衛百戶世襲巡撫復原級仍

贈兵部右侍郎廕一子入監讀書知府朱萬年贈太常寺

卿仍廕一子入監讀書但與立祠內中軍徐得時翟昇二

員司禮監議郵把牌張時聞玉柱夏尚忠王國興夏尚魁

田養民孫進朝苗進喜張奇猷何逢冲王進禮十一員司

禮監議叙原任同知寇化已陞知府通判任棟已陞同知

加服俸一級知縣洪恩焯照邊俸行取訓導等官張士淳

房孟斗毛鳳至宋日振范懋鮮申傳義鄒鶴齡惲紹美王

化蘇宗貴十員行吏部優轉龍應化宋弘安張之偉方齡

四員各量賞銀伍兩總兵楊御蕃已授登萊總兵仍加署

都督同知遊擊彭有謨已陞參將仍加服俸一級張汝行

已陞參將免加參將李景加一級副總兵吳登泰秦大鵬

孫玉增王武揚周紹宗梁德惠張元龍周興仁徐應文李

守業馬岱張守忠董捷王自林胡繼修陳孔則張大惠梁

應捷韓春王大保王國楨韓振國李顯明陶允斌梁應登

陳可忠何世鳴裴守節夏邦秀李尚義王應元孫德賢世

科張乾韓應豸曾八道魏文科張材趙子亮張萬憲蘇民
惠李翀霄韓彥都謝得勝吳日強折雲陳顯祖張大謨王
國臣廖榮劉印趙傑孫光顯趙弘禎彭大年成欽命王泰
初李長春封萬里毛英趙完璧王應薦任銓李景明王兆
明趙約劉一豸年春芳羅應封趙士達李應萊楚邦禎雷
四聞辛作單成化安恭共七十六員各查紹原官加銜一
級馬登先魏國經王重光高東周蕭規張鳳郭守印周道
興金弘鼎宋報國張捷孫德王燦張奇勳侯振東張思祿
張汝學郭名祐李君賜屈時興秦玉夏守信李守成夏大
明祝魁周福陳邦柱李邦材梁國材劉思德楊順孫成章
鄧天恩陳國旺朱勇天定張英王奉林郭威高英陳永智
衣素脉趙希賢錢允徵朱永年羅憲邦滕繼先房應宿于
麟勳馮大受張世亨陳洪蘊范大居程元勳謝重九高維
藩李進科王海英施惟德仲聯登六十員王烈陳國棟呂
治國王繼先郝夢蛟呂鼎銓邢進義戰以謀何鳴世嚴懋
功劉方美韓璽陳思陽王爾勝楊進忠徐長胤王萬春張
振威劉應田于顯麟錢祐徵冉建安黃宗仁樓懋功王福
安劉胤昌尚惟揚張國勳穆澤久李起蛟李成茂吳心泰
張科王守孝陳國輔于一鰲王之胤三十七員張鷹揚陳
萬策孫武謨田永祥王早羅聲振孫繼文溫如璧嚴令

萊州府志

卷十六

大事記

十

俊張道德張洪樓張應科顧承恩丁一奇張問政官正王
尚毛顯宗霍雲光賈三元王弘圖吳夢豸任自新林漸奇
劉爾愚張振東林厚生張鵬翼趙日升趙國俊于世光賈
襄望姜仲望姜近光姜振光郭忠劉祿苗才車進忠郭壽
民王夢亨王文翰王宸宋應奇楊福張珂王維城周夢瑞
胡師孟唐遇春孫振緒孫應第李坤光林春華五十五員
查各紹原官加署銜一級買毓祥加級起用張忻趙胤昌
各復原官范復粹侯轉官時優加一級張孔教孫善繼姜
兆張毛九華徐廷松姜兆齊趙士偉畢拱辰姜啟哲錢禧
徵趙士寬曲元聲十二員在告者起用致仕者進階降黜
者量復閑住者量准致仕劣轉者量加品服改教丁憂者
量與優補聽選者准與超選王萬象方之翰楊觀光楊觀
李之茂王肇生張夙行張福臻單崇九員見任者各賞銀
十兩在籍者撫按額旌舉人姜汝鈺徐夢好姜夢鰲孫養
深楊鍾圻王二銘宿自中錢祚徵恩貢生趙士亮劉連城
林懋先李福監生張含美王懋聰董似立郭孔俊徐夢雄
徐夢璞縣丞劉元禎光祿寺署丞李衍庚候選主簿魯大
道共二十一員各舉人登第者優用就選者與貢監等俱
超選廩增附生員李就日侯鞏祚張孕美王萬善徐隆妻
汝倣張棟綦宗趙士冕胡伯謀張性楊嵩華孫鑑韓具瞻

孫枝豐孫枝茂姜繼耀毛允方林文薦姜開徐應樞楊駿
烈劉文映任夢龍王文熙王象奎張其蘊絲從徽王化熙
絲仁政楊武烈王秉哲徐登俊鞠之白霍標姜仲榮劉雲
聲楊仲忻王秉楊趙士詰趙士完張值于登高王新亞王
世臣許攀龍劉肇甲羅文華張宗萼趙士嘉徐華階宿孔
曉韓璠姜棟王出震王棟周景熙劉鑫永劉鏞永劉淑已
尚九遷李禎羅膺任毛應豸張俠張所蕃徐成樞劉同甲
趙士仰周景靖呂應鍾呂應宮王新張琦劉朱王應鳳侯
于魯王懋加張文煥呂應章王啟胤任鳴珂錢知徵趙士
彭錢盛徽郭邦固林肇先王應鴻錢毓秀張溥宿鳳冲王
爾揚張秉清錢廣徵毛登龍劉方至賈魁之孫自振孫自
揚趙翼明周景新胡應珍王夢壯原茂椿徐夢松羅國賓
王以滿必發黃文明劉一翰孫澤溥王鹽鼎周而簡黃啟
明單父堂楊師德任鰲趙士元李芳先王應明滕世德張
景輝張孔印徐長玉徐徵熙王丙昆周澤久王百胤原英
煌錢象乾張恪胡應瑞徐應齊王爾輅王元忠王應駿王
泰符張巨自張會嘉姜元佐王懋功王百男呂應夏絲徵
楊鍾球劉允浩王應斗羅國俊毛芹劉不息郭振先邱長
胤趙士迺趙士邁任應震霍法健絲世命趙士俊絲舊章
趙允昌徐德王浩王和姜再芳姜再徵趙震生劉不竭仲

萊州府志

卷十六

大事記

十一

元懿宿鳳曉呂率武呂續武曲有聲曲洪聲孫奇昌毛儼
曲九鼎霍明周趙帝簡唐弼秦張雲芳霍明夔楊九垓姜
元弼羅映奎毛紹元梁開先楊孔烈孫鳳翔徐嘉徵彭吉
安其位張自新毛起龍姜承餘毛仙蔡冲霄張誠白王廷
毛之俊王壽吉姜士英徐國瞻于鵬程張鏊王澤深郭應
瑞王大威宿炳楊元梓許高科郭邦植楊于翰劉東陞周
景耀劉之瑞胡應命馮大名侯軍姜會昌張重弼侯王家
黃御極徐聯第徐達徐贊化姜翊昌王治熙馮大任徐研
李嘉樹方寸澄徐希孔周百男徐宗孔王泰來王應奎單
成學毛宗儒姜國昌王爾膺張悟王衷正戰錫命桂華秋
單柱王向王椿于大生張三益張三剛姜啟明徐慶初徐
存知張若思錢佐明張試錢相明劉文暉雷成龍楊于陞
王履端劉不已姜秉宗劉允源王應張原英煌毛允奇毛
允度張巨學劉肇科王泰運孫澤新王繼新林文芳王蓮
生王起亨盛鼎新唐聯泰宿起鳳姜汝錦孫鏞張溶林滋
生共二百八十三名儒童韓景聯忠隆泰趙士瑞趙士周
毛偉李之蕃六名附陞增增陞校廩廩量減年儒童青衣
寄學通吏胡宗堯行吏郅起選富民于旬翟長寧有司扁
旌給冠帶夏守禮張宗華邱復山陶宗儒邱民範免叙候
論定原任該道守令于仕廉成德王一言龍文明衛三省

劉蔚六員生者褒旌歿者崇祠著吏部查覆原任戶部侍郎劉重慶著禮部議卹

十一年巡撫都御史曾櫻請帑金十萬開膠萊河未幾櫻陞任去河終不開

十二年濰縣知縣邢國璽修濰縣石城成

十五年昌邑失陷殺守城官紳士子六十餘人平度失陷

濰縣守城有功知縣則周亮工鄉紳則郭尙友張爾忠胡

振奇等膠州守城有功知州則祁文祥鄉紳則高弘圖等

高密守城有功知縣則何平鄉紳則張福臻等詳見各州

縣志

十七年諸城賊邱子營邱元復范四邱壘攻陷靈山衛

萊州府志

卷十六 大事記

三

是年張大雅糾高密大盜單之賞張與圍防撫曾化龍於

膠城七日夜登州將官滕邱玉統兵至膠圍始解大雅尋

伏誅 孫握玉闖賊偽官來知高密張與等擁之作亂防

撫曾化龍擒斬之

國朝

順治元年頒

詔書至安民

三年昌邑土賊劉大堯率眾數百乘夜破昌邑殺知縣魏

名大劫庫而去

十年海時行作亂

膠州總兵海時行調往南征逗留八月作亂與將領韓啟元康廷榮等

策祖明善劉成功殺旗鼓張思選入城殺海防道徐大用
推官李煌鄉官諸生邑民被殺者甚多九月追至亳州擒
獲伏誅傳
首膠州

康熙二十三年

上幸山東遣太常寺少卿王日溫祭海

二十九年奉

旨蠲免錢糧

三十七年

命翰林院陳夢珠查海

四十二年四月內閣學士趙世芳奉

御書海天浴日四字額於海廟

萊州府志

卷十六 大事記

十三

四十三年大饑奉

旨蠲免四十三四十四兩年錢糧

雍正四年

詔封東海之神為東海顯仁龍王之神發帑修廟

六年革金復二衛隸萊學額

明季遼東兵荒金州復州二衛士子寄食萊境者舊設學

額附萊府學肄業至是學使王世琛以遼學已有二衛不應重設萊州遂題革之

十二年奉

旨裁靈山衛歸併膠州裁鼇山衛碓崖所浮山所歸併即墨縣

衛所屯地錢糧舊係守備千總管轄收解由都司奏銷雍正三年都司裁缺歸萊州府督催至是總督王士俊題准裁併將靈山衛歸膠州其原轄三十七屯夏河所城一處分併高密縣二十一屯膠州十六屯所併青之諸城縣將

鼇山衛歸卽墨其原轄十八屯分併卽墨縣三屯平度州
八屯膠州六屯登之萊陽縣一屯將椎崖所原轄六屯皆
併卽墨將浮山所原轄二十一屯分併卽墨縣四屯平度
州十七屯凡衛所下地錢糧課稅穀石俱屬收併州縣管
理兩衛生員亦隸膠卽儒學唯廩貢及入學名數仍照原
額但註一衛字別之至舊設教授守備掌印千總等官俱
裁另設巡檢千總把總
添兵防守詳見兵防

十三年八月恭逢

皇上登極凡民欠錢糧十年以上者

恩詔概予蠲免又奉

上諭雍正十二年以前民欠錢糧一併寬免萊屬蠲免銀十萬
五百餘兩

乾隆二年四月奉

萊州府志

卷十六 大事記

十四

旨蠲免山東地丁錢糧

祥異

班氏天文五行二志實補司馬氏之闕夫其綜百王以立言
統九州而協象廣誌災祥參驗人事豈矜博雅云爾哉抑欲
示修省於後世也昔人有言天人之際捷若影響宋景一言
而災穢退舍劉昆叩頭而返風滅火遇災而懼信不誣矣

漢

高帝三年十一月癸卯晦日食在危三度漢書五行志謂其應
在齊王韓信

景帝二年九月膠東下密人年七十餘生角角有毛
七年十一月庚寅晦日食在虛九度

萊州府志

卷十六

祥異

一

宣帝本始元年五月鳳凰集膠東

四年四月地震北海 五月鳳凰集北海淳于

元帝初元二年北海水溢流殺人民

成帝永始元年春北海出大魚長六丈高一丈凡四枚 九月

黑龍見東萊

哀帝建平三年東萊出大魚長八丈高一丈一尺凡七枚

章帝建初二年北海得一角獸大如麕

安帝元初二年十一月己亥客星見在虛危南至胃

質帝本初元年五月海水溢北海都昌溺殺人物

靈帝熹平二年東萊海出大魚二枚長八九丈高二丈餘 是

年六月東萊北海海水溢出漂沒人物

光和五年冬十月木火金合於虛相去各五寸如連珠

六年冬大寒北海東萊井中冰厚尺餘

中平四年十二月晦東萊雨水大雷電雹

晉

惠帝永寧元年十月北海青蟲食麥苗

二年十一月熒惑太白鬪於虛危

成帝咸康五年四月辛未月犯歲星在胃

穆帝永和八年十二月太白犯熒惑於胃

孝武帝太元十一年六月甲午歲星晝見在胃

萊州府志

卷十六

祥異

二

十三年十一月辰星入月在危

二十一年三月太白晝見於胃

安帝義熙二年十二月丙午月掩太白在危

南宋

武帝永初二年二月赤鳥六見北海都昌

文帝元嘉二十二年白兔見東萊當利

二十七年十月巳丑嘉禾生北海

孝武帝孝建二年九月木連理生都昌

大明元年六月庚子白兔見卽墨獲以獻 秋七月丁丑白麋

見曲成獲以獻

三年九月乙亥嘉禾生北海都昌

六年八月辛未白兔見北海

明帝泰始三年五月己卯白麀見北海都昌

東魏

孝靜帝武定八年三月甲午歲鎮太白在虛熒惑又從而入之

四星聚焉

周

武帝建德三年十一月丙子歲星與太白相犯光芒相及在危

十二月月犯歲星在危相去二寸

隋

萊州府志

卷十六

祥異

三

文帝開皇十四年十一月癸未有彗星孛於虛危

唐

太宗貞觀六年正月乙卯朔日食在虛九度

二十一年八月萊州螟

文宗開成二年二月有彗出于危長七尺餘西指南斗戊申在

危西南芒耀甚盛

昭宗乾寧二年有客星三一大二小在虛危間乍合乍離如關

經三日而沒

僖宗文德元年二月戊戌朔日食在胃一度

五代唐

莊宗同光二年九月卽墨季夢徵室內柱上生芝草二本
明宗長興三年卽墨王友家生芝草一本三枝分兩岐上漸相
向成片而圓高尺餘

末帝清泰三年九月己丑彗出虛危長尺餘

宋

太祖建隆元年正月甲子太白犯熒惑于婁

太宗太平興國五年七月濰州蚘蚋蟲食稼殆盡

端拱二年萊旱甚民多饑死詔發倉粟貸之人五斗

眞宗咸平四年濰州獻芝草一本如佛狀

景德二年十一月壬子有星出胃南聲如雷光燭地

萊州府志

卷十六

祥異

四

三年五月丁酉有星出胃北入天困迸爲數星光燭地

仁宗皇祐元年二月丁卯彗出虛晨見東方西南指歷紫微至
婁凡一百一十四日而沒

哲宗元祐七年五月濰州北海縣蠶自織如絹瓜領帶

高宗紹興十六年十二月戊戌彗出西南危宿

寧宗嘉定十年二月庚申地震自東南越月虜犯萊州

度宗咸淳五年正月甲戌萊大水

六年三月萊旱蝗

元

世祖至元二十五年七月膠州大水民採椽爲食

二十九年五月濰州北海縣有蟲食桑葉盡無蠶

三十一年四月卽墨縣雨雹

成宗大德五年十月辛卯夜有流星大如杯色赤尾長丈餘光燭地自北起近東徐徐而行分爲二星前大後小相離尺餘沒於危

英宗至治元年膠州饑

泰定帝泰定四年十二月膠西等縣蝗

文宗至順元年膠州饑

順帝至元五年膠州濰州饑

至正三年十二月膠州及屬邑高密地震

萊州府志

卷十六

祥異

五

四年夏膠州高密旱

六年二月濰州北海縣膠州卽墨縣地震

七年二月昌邑高密地震

八年六月膠州高密大水

九年春膠州大饑人相食

十九年濰州膠州蝗食禾稼草木俱盡所至蔽日礙人馬不能行填坑塹皆盈饑民捕蝗以爲食或曝乾而積之又罄則人相食

二十二年二月巳酉彗星見於危宿光芒長丈餘色青白

夏四月丙子朔長星見其形如練長數十丈在虛危之間後

四十餘日乃滅 六月膠水縣野蚘生 七月掖縣野蚘生
害稼

明

太祖洪武元年高密縣東十里遍產靈芝

二十四年卽墨蝗大饑

成祖永樂十六年高密產紫芝三十五本

英宗天順八年卽墨大饑

憲宗成化六年掖膠大饑

八年掖濰卽墨大饑昌邑尤甚人相食

十七年平度大饑人相食

萊州府志

卷十六

雜異

六

十八年高密大饑

孝宗弘治五年昌邑大旱

武宗正德三年昌邑大饑

七年濰黑青見

世宗嘉靖三年平度大饑

七年平度大旱蝗

八年平度又旱蝗

十一年卽墨飛蝗蔽日大傷禾稼

十二年濰蝗食禾稼殆盡

十六年七月昌邑淫雨濰水潰溢突入城中壞民廬舍

十七年平度麥穀不登斗粟銀二錢昌邑大饑民食草子餓殍相望高密大饑

十八年掖卽墨大饑

二十七年昌邑辛營李家園產紫芝二本

三十九年卽墨大水河泛至城

四十三年昌邑飛蝗蔽天食田禾殆盡

穆宗隆慶二年昌邑地震二次 麥兩歧有年

三年掖平膠昌濰大水昌邑尤甚民大饑

神宗萬曆七年卽墨麥兩歧

十一年七月掖大腥霧殺禾稼木盡脫 九月復華 冬十

萊州府志

卷十六 祥異

七

二月昌邑雷

十二年春掖地震大饑其秋大稔 是歲卽墨饑 昌邑地

大震 濰河決

十三年六月朔掖雨雹大如拳

十四年六月二十八日平度大水平地三尺傷田廬

十六年六月昌邑地震

十九年春三月掖大雨雪木盡脫

二十一年春膠州旱秋大雨滄沒民田殆盡 是歲高密卽

墨大水 平度濰霪雨四十餘日田禾盡沒

二十二年萊郡七屬皆大饑人相食昌邑尤甚

二十五年掖壤濰大水地震

二十八年四月十五日濰雨雹大如鷲卵平地尺餘人畜遇之多死傷 秋膠大雨雹 平度昌邑大風壞民房舍大木盡折至捲掃石曰數里外

二十九年十二月平度州冰結梅花數本長四五尺許如琉璃狀

三十年夏郡城西池並頭蓮生

三十一年夏掖平度嘉禾生

四十二年大水傷稼

四十三年大饑人相食尋又大疫死者積尸如山

萊州府志

卷十六

祥異

八

四十六年八月彗星見東南光芒甚長

熹宗天啟五年膠州大蝗 七月大水

懷宗崇禎九年十一月二十八日夜戊刻雞聲亂於堦夜半風

雷大作

十三年莎雞遍天旱蝗大饑人相食 十月初五日夜雷電

交作

十四年正月二十二日日射四環五色中出黑氣一道

十六年三月昌邑柳暈雨血

十七年正月朔大風轟晝晦 六月十一日連夜空中響聲

如萬馬奔騰

國朝

順治五年春高密霪雨害稼 冬十一月十六日夜空中聲如雷火光燭天

八年八月膠州有大星自西南至東北聲震如雷火光迸裂 十二月二十八日膠州雷

九年五月初三日膠州雨雹大如鴨卵平地深尺餘

十一年正月二十三日膠州大風色赤

十二年高密並蒂蓮生

十三年正月三山島出大魚長數十丈吼三日死

十五年五月初二日長庚入月

萊州府志

卷十六

祥異

九

十六年膠州雨雹傷稼民饑

十七年四月初一日膠州雨黃雨沾衣盡黃 高密民間產

一象尋斃

康熙二年平度州牛產一鳥花脰肉翅三足向東南飛 兔八

足四耳兩尾 驢生駒二首一驢首一牛首

三年三月十九日雨雪奇寒花菓多凍死

四年大旱

六年五月太白經天 六月太白晝見 彗起翼軫逆行張

宿西歷十二宿次

七年四月海嘯在濰縣界遠滄四五十里泛漲二晝夜 六

月十七日戌時地震盪如漂舟聲如殷雷城郭屋宇崩墜倒塌
塌月色為昏又地裂湧黑沙惟掖震宸稍輕六月十八日七月
十七日八月十八日屢震

八年二月柴胡寨出大魚長十餘丈

九年冬大雪奇寒樹木凍死殆盡

十一年五月地屢震 六月癸亥光芒甚赤至九月退舍

大蝗蔽天

十四年夏四月十七日隕霜殺麥復生大獲

十六年郡城慶蓮花自生多並蒂 夏有大星流入東北光

赤如日

萊州府志

卷十六

祥異

十

十七年七月大雨 膠濰二河交有龍鬪

十八年旱民饑

十九年十月彗起西方光芒甚長白氣如練漸東漸短一月
始滅

二十八年東萊鹽鹵日暴成斗形

三十年麥兩岐穀三岐

三十一年六月初一日夜有星自南而北光如日聲如雷

三十二年三月濰縣海嘯遠滄四五十里

三十三年正月十四日夜半大雷雨掖縣樹冰如介

四十一年霪雨害稼

四十三年大饑大疫人相食

四十五年穀三岐

四十六年濰縣麥自生大獲

四十七年夏濰縣牛產麟

五十八年夏霪雨害稼壞民廬舍無筭是歲大饑

五十九年春膠州大饑斗粟千錢

雍正元年正月高密大風災感化寺鐵柱寶瓶折去無跡泮水色赤

三年膠州饑

四年春高密麥秀兩岐

萊州府志

卷十六 祥異

十一

八年自六月至七月霪雨不止河水暴漲田禾漂沒濱河人多溺死

十年春正月平度州枯菊生花夏城北崔家林產芝 是歲

秋大稔平度斗穀三十錢

十二年八月卽墨大水民舍冲没殆盡

乾隆二年夏郡城濠內產並蒂蓮

三年野蚘生害稼

雜記

宇宙甚大苞含變化何所不有凡靈奇恍惚之事見於載籍者未易更僕數或理所必無而事實有之非盡荒誕不經之論也余故搜探東萊軼事志於簡末以爲靈蹟也可以爲寓言也亦可要以網羅緒餘俾覽者毋囿於聞見云爾

古有日夜出見於東萊故萊子立城以不夜爲名又海底三更見日光芒四起見齊地記

焦花女者不知何代人亦不知爲誰婦事繼姑至孝姑病值冬月思新麥燎食之焦慟求至河濱向陽忽有生麥穗焦取歸供姑姑食之病已事聞旌其里并名其嶺曰錫恩嶺至今膠州燎麥臺遺跡尙在其河名孝源海州雲臺山賢孝碑亦紀其事

東海蔣潛嘗至不其縣路次林中露一屍鳥來食之輒見一小兒長三尺驅鳥鳥卽起如此非一潛異之見屍頭上着通天犀纛揣其價可數萬錢潛乃拔取旣去見衆鳥集無復驅者潛後以此纛上晉武陵王晞後落褚太宰處復以餉齊豫章王江夫人斷以爲釵每夜輒見一兒繞床啼叫云何爲見屠割必訴天當相報江夫人惡之月餘乃亡

卽墨縣王豐兄弟三人豐不信方位所忌嘗於太歲上掘坑見一肉塊大如斗蠕蠕而動遂填其坑墮墳而出豐懼棄之經

宿肉長塞於庭兄弟奴婢俱暴卒惟一女子存

唐永徽中萊州人劉聿性好鷹獵遂之界山懸崖自縋以取鷹雛欲至巢而繩絕落於樹岐間上下皆壁立進退無據大鷹見人脚肉不敢至巢所遙放肉下聿接取肉餵雛以外卽自食之經五六十日雛能飛乃裂裳以繫鷹足一臂上繫三聯透身而下鷹飛制其兩臂比至澗底一無所傷仍繫鷹而歸東萊海神廟下塑一姥旁臥一犬相傳姥爲孫氏母貧居海濱蓄此犬從不作聲有道人見之曰此犬非凡必吠帝王宋太祖微時過孫氏門犬忽大吠姥乃留而飯之貴後賜姥以田免其家徭役世爲守海廟戶

萊州府志

卷十六 雜記

二

祥符八年眞宗夢一菜與殿基齊及揭榜狀元乃蔡齊也上喜謂寇準曰得人矣

嘉祐六年萊王俊民狀元廷尉評簽書徐州節度判官明年充南京考試官忽謂監試官曰有人持檄逮我乃取案上小刀自刺左右救之不甚傷卽歸醫治創愈但恍惚如失心者家人迎嵩山道士梁宗朴符召爲厲者夢一女子言爲王所害已訴於天俾我取償道士知術無所施遂去旬餘王亦卒人謂王未第時家有婢不順使令排墜井中又云王向在里閭與一娼妓私約俟登第娶焉旣登第就媾他族妓聞之忿恚自殺故爲女厲所困竟至天死

宗立本黃縣人紹興間與妻販縑帛塗遇小兒約六七歲遮障
言語僂利問所來對曰我昌邑縣公吏之子立本拊之曰肯
從我乎兒拜泣遂收育之名爲神授兒性警敏能作大字篆
隸草書立本棄舊業攜兒遊以自給後二年至章邱逢一胡
僧指兒謂之曰爾何處拾來立本曰吾妻實生之僧笑曰是
吾五臺山五百小龍之一也索水噴噉立化爲小朱蛇收入
淨瓶淮東鈴轄王易之親覩厥異

傅敞字次張濰州人紹興二十年過吳江縱步塔院見僧東房
有殯宮問爲誰僧云數歲前知縣館客身故聞其家在福建
無力歸窆因權厝於此是夜夢儒冠人來見曰三山陸蒼自

叙踪跡與僧言同將退拱手曰旅魂棲泊無依君其念我明
旦敞以告邑宰遂遷葬官地至七月敞赴試寓西湖小剎復
夢陸生致謝且云舉場二日題目蒼悉知謹告勿泄敞寤而
精思屬藁洎應試盡如其夢於是高揭薦名

膠有山曰小珠雙峯嵯峨高入雲際中間一水清泚可鑒爲團
頂嘗金正隆三年秋雨民行山隈至窞側見一卵在地可盛
粟二石斑爛光彩異而觀之乃刈葛藟絆縛昇下山舉村來
觀數少年攫取者食之後旬日大風夜作居者百餘家爲風
掀舉躋於山巔旋落團頂畔少年食卵者撲死餘老弱十計
皆無所傷敗瓦朽木至今猶存

金明昌間卽墨常見白狐率羣狐戲公署側及胡嵩爲令有惠政偶獵戶獻豹適小女提豹玩弄語獵戶曰汝何不射後園狐獵戶諾是夜午後小女忽昏眩狂跳如風癘日以爲常家人訊之女曰我前語獵戶射狐狐令我病耳嵩知之以紙硃書曰汝之爲物吾已知汝汝若避吾吾其免汝令女珮之是日果不病明日有人見白狐率羣狐下城向東北去其怪遂絕

卽墨城北有古塚或發之有黃牛從堦門出犯之卽吼不可動又縣有徐誕弟子夏侯臯臯死後有人遇臯以手巾寄信與誕乃棺中物也見郡國志

萊州府志

卷十六 雜記

四

眞武廟舊在卽墨縣西北故壘上上元中統間有軍官解萬戶鎮守是邑以斯廟有妨關要因去之以致儀像暴露至元二年春萬戶庭黑風旋繞龜蛇顯像萬戶叩頭謝罪乃漸息因於東北城上建廟端塑聖像

永樂初張三丰嘗遊勞山下居民蘓現每禮敬之邑中原無耐凍三丰自海島中携取一株值現庭前雖隆冬嚴雪葉色愈翠正月卽花蕃艷可愛今近二百年柯幹大小如初或有分其蘖株而別植之未有生者勞山八仙墩有懸崖亦倒垂一株

天順間卽墨楊一正於山中得異書每遇旱請禱者不令置壇

但書霹靂二字於役人手中令其急握開之卽雷轟雨滂凡所刻期毫不爽言人呼爲揚童子

李時任邱人父蔡弘治間爲萊州知府時來省之因謁海廟以禱卜科第以誠弗豫不果旣歸夢人廟中得八十籤翼日取籤書視之有鳳逐鸞飛之句明年壬戌果登第選入翰林官至大學士見紀夢碑

膠州石門寺前有泉自石竇出冬夏不竭時有大蛇出入其中每將陰雨輒聞其中有龍吟聲後蛇出爲寺僧所刃流血數日寺僧驚惶獻祭始止

僧性香者卽墨人居大覺寺夜夢婦人跪前泣白願師遲曉鐘以活我且云張三主人已困我矣我兒未見天日惟師憐之如此者凡再香不能復寐起使人視張三家則牝豕在縛將俟鐘鳴時宰之使者遽稱其師命釋豕甫釋而生子十餘在地矣見前志

濰邑胡邦佐赴太原推官任至榆林驛驛言有妖邪佐曰邪不勝正何妨宿之夜半妖至劍擊之入地中次日剖視乃一蟾蜍上書四節先生壞此物以邦佐指有四節也見縣志

崇正壬午學使錢啟忠按萊聞于異人名入勞山訪之相見異人無他語但爲子求一錄遺名而已錢心鄙之謂異人曰令子入場果十分得中否異人曰十分止差一黍耳且使其終

以活我且云張三士人已困我矣我見未見矣夫日惟師憐之
如此者凡再昏不能寤寐起使人視張三家則死豕在縛將
俟鐘鳴時宰之使者遽稱其師命釋豕甫釋而生子十餘在
地矣見前志

維邑胡邦佐赴太原推官任至榆林驛驛言有妖邪佐曰邪不
勝正何妨宿之夜半妖至劍擊之入地中次日剖視乃一蟾
蜍土書四節先生壞此物以邦佐指有四節也見縣志

崇禎壬午學使錢啟忠按萊聞于異人名入勞山訪之相見里
人無他語但爲子求一錄遺名而已錢心鄙之謂異人曰今
子入場果十分得中否異人曰十分止差一黍耳且使其終

身一觀場屋過此以往吾兒復何望哉時濰令周亮工入關
同考得一佳卷主司主司極口贊賞擬實第一填榜日一
同考覆閱之曰此卷誤矣題曾子語而破曰聖人可乎主司
將爲改之亮工執不可遂爲副榜首名揭榜則異人子也錢
始驚歎不但止差一黍言驗而明朝鄉試亦終壬午云
康熙三十三年春濰縣一老嫗口中吐火自焚死邑人劉以貴
記以詩曰憶昔甲戌春新正纔十日離城廿里遙老嫗色如
漆倏忽化火光慈涌口鼻出綠煙冲九天比隣爭造室救火
大愈熾幻成瞿曇質異事闕市城焚黃金成鎰咄咄村間婦
疑得三昧術荏苒歷十年此理無從詰

雜記

掖西南四十里曰古龍潭中有大石如碾里中童子或以木石
擊之則大雨如注往往冲溢廬舍居民懼其災積土埋之康
熙壬辰邑苦旱劉太守令人決其潭未抵石而雨降是歲有
秋或曰有龍潛其下擾之則怒而鼓鬣故雨然余比年屢試
之則或驗或不驗究未知如何也

